

Von Feldtmessen.

4

Zum dritten/ wirt gebraucht ein viereckichter Fuß/ damit man einen Acker oder Feldt auff alle vier ort inn gerader Vierung mißt/ vnd heisset zu Latein/ Pes quadratus, den ich dir in diesem Büchlein teutschen wil/einen Creuschuch.

Hie magstu auch behalten / daß ein jeglicher gemeiner Schritte zween Schuch vnd einen halben in ihm begreiffet.

Item/ ein ganzer oder zwifaltiger Schritt / wirt durch fünff Fuß oder Schuch gemessen/vnd heißt zu Latein/Passus.

Item hundert fünff vnd zwenzig Schritt machen eins Manns Lauff/ das seynd sechshundert vñ fünff vñ zwenzig Fuß oder Schuch (das etlich einen Roslauff nennen) zu Latein/ Stadium. Vnd ist ein solcher Manns lauff ein achttheil von einer meil wegs. Vnd wirt gesagt/daß Hercules in einem Lauff vnd Athem so ferz gelauffen/vnd darnach still gestanden/davon heißt es Stadium.

Item/ tausent Schrit ist ein Meil/ nach dieser Rechnung/ vnd helt in ihr fünff tausent Schuch/das seynd acht Manns lauff. Vnd heißt ein Meil/von dem wort Mille/ das Tausent bedeut.

**Wie ein gerechte Messrut/damit man Fel-
der/Acker/Beingarten/Wiesen/Obsgarten mes-
sen wil/gemacht sol werden/folget
hernach.**

En Messrute nach rechter Art vnd künstlichem gemeinē Gebrauch sol also gemacht werden. Es sollen sechsehen mann/klein vnd groß/ wie die vngesehrlich nach einander auß der Kirchen gehē/ ein jeder vor den andern einen Schuch stellen/ vnd damit ein Lenge/die da gerad sechsehen derselben Schuch begreiffet / messen/ Dieselbige Lenge ist/ vnd